

小兒衛生總微論方

二

中國醫學大成第十集

兒科類甲
兒科叢刊之一

小兒衛生總微論方二

上海大東書局印行

小兒衛生總微論方

卷四

驚癇論上

欲發搐

小兒驚癇者。世俗之總名。須分輕重也。輕者但身熱面赤。睡眠不安。悸惕上竄。不發搐者。此名驚也。重者上視身強。手足拳發搐者。此名癇也。其發搐之病。最爲重大。必有因漸。亦有將發之候。以明之也。養小兒之家。若能辨之。求治於未發之前。不惟易愈。又不至於危殆。今集欲發搐候下項。

目上視喜惕者。欲發搐也。身熱項強。常汗出者。欲發搐也。手足喜振掉者。欲發搐也。搖頭弄舌者。欲發搐也。喜欠目直面青者。欲發搐也。潮熱或壯熱不歇者。欲發搐也。睡中時笑。或狂語言。手足搖動者。欲發搐也。鼻中燥。大便小便不利者。欲發搐也。髮上逆。啼面暗色不變者。欲發搐也。身熱

吐。喘。喘。粗。者。欲。發。搐。也。噫。氣。下。而。妄。怒。者。欲。發。搐。也。鼻。口。青。喜。忪。悸。者。欲。發。搐。也。齧。牙。甚。者。欲。發。搐。也。目。直。色。赤。或。青。者。欲。發。搐。也。瞳。子。卒。大。異。常。者。欲。發。搐。也。面。色。青。黃。上。竄。氣。急。者。欲。發。搐。也。眼。斜。視。者。欲。發。搐。也。嘔。乳。不。和。或。噎。乳。脣。舌。緊。者。欲。發。搐。也。涎。盛。鬲。壅。呀。呬。有。聲。者。欲。發。搐。也。臥。而。不。安。身。熱。不。乳。數。惕。跳。者。欲。發。搐。也。體。熱。口。中。氣。亦。熱。面。目。青。呵。欠。頓。悶。者。欲。發。搐。也。掌。中。赤。印。內。青。筋。見。怕。物。生。涎。者。欲。發。搐。也。吐。利。不。止。厥。痛。時。起。者。欲。發。搐。也。脣。口。頰。頰。青。手。足。心。皆。熱。喜。冷。者。欲。發。搐。也。目。癡。昏。悶。撮。口。吐。舌。者。欲。發。搐。也。身。熱。小。便。難。或。目。直。視。或。視。不。精。皆。欲。發。搐。也。孫。真。人。曰。小。兒。眠。睡。不。穩。或。身。熱。之。時。見。有。諸。小。驚。之。證。輒。紫。圓。微。下。之。減。其。盛。氣。令。終。不。病。癇。發。搐。也。月。用。一。次。甚。佳。方已在前
變蒸門中

已發搐

發。搐。之。候。世。俗。所。說。者。多。矣。有。言。一。證。屬。一。藏。一。證。屬。一。府。喬。岳。歌。曰。小。兒。驚。候。有。多。般。不。顯。根。源。見。病。難。睡。裏。齧。牙。驚。入。腎。非。時。吊。眼。病。歸。肝。夜。啼。到。曉。元。因。肺。脣。白。面。青。一。般。看。前。後。心。煩。四。支。熱。面。紅。如。火。向。心。間。乾。嘔。吃。水。脾。驚。患。脈。微。氣。

喘一同言。漢東王氏言。非時吊眼驚入肝。睡後齧牙驚入腎。夜啼到曉驚入小腸。面青乍白驚入膽。氣喘吃水驚入肺。面紅臉赤驚入心。五心煩熱驚入脾。喉中鋸響驚入大腸。乾嘔無時驚入胃。睡中啼哭驚入三焦。如此之類。言至百種。叢脞無據。何以爲治。又有言驚發三次爲癇者。第一次發。兩太陽左右青脈朝眼。第二次發。山根青脈見。第三次發。眼下瞼連金匱青脈見。又言發搐面赤。指內青紋見者。爲癇。又云耳後完骨上青脈如線者爲癇。此等之論。亦爲臆說。大抵不發搐者爲驚。發搐者爲癇也。千金論癇證。大體只分三種。一曰風癇。因解脫衣袂。觸冒風邪。而作。其證先屈指如數。乃發。口中氣熱。呵欠頓悶。手足搖動。治當發散。二曰驚癇。猛聞大聲。或撲仆驚怖而作。其證先叫啼。乃發。心神不寧。不可下之。下之內虛。則病益盛。治當安神去熱。三曰食癇。因乳哺失節。或有積而作癖。其證先不乳而吐。先寒後熱。乃發。其證身體或溫或熱。多睡喜唾。吐逆腹脹。故小兒有癖積。脈大者必發癇。治當下之。此三種內。風驚二癇。時時有之。食癇者十中無一。下之便愈。詳此三種。雖諸病皆能變溫。莫不緣於風驚食之所作也。又內經有云。五藏主五畜。其間發重者。各見其象。肝爲犬癇。目直視。身反折。手拳犬鳴。心爲馬癇。張口搖頭。

背強硬馬叫。目一云心爲羊癇。舌爲羊癇。脾爲牛癇。目癡腹滿牛叫。肺爲雞癇。搖頭反折。手縱搖擲雞叫。腎爲猪癇。目橫身直如尸。吐沫猪叫。以上論癇發者。乃諸書精要也。然不若錢乙所論發搐者。乃心肝二藏爲病也。其理有據而妙。肝主風。心主火。風火相加。發而爲搐。前論小兒諸病。新久皆能變癇發搐者。以人有病。則飲食退減。脾胃不旺。肝必凌之。引動肝風。肝又主掣。若不得心火。則不能發搐。又人有病。則氣血錯亂。心神不寧。引動心火。心又主驚。若不得肝風。亦不得發搐也。須肝心二藏相爲子母。俱有實熱。風火相搏。驚掣相持。乃能發搐。其狀亦如風之蕩火。焰熾掣然也。故肝心二藏爲病之源。餘藏雖不正主。亦有相乘兼見之證。及所發亦有其時。假如錢論潮熱變發搐。在早晨寅卯辰時有。此肝用事之時也。身體壯熱。目上視。手足搖動。口生熱涎。項頸強急。此肝旺也。錢治補腎瀉肝。是謂補其母而瀉其子也。發搐在日中巳午未時者。此心用事之時也。心惕目上。白睛赤色。牙關緊急。口內涎生。手足搖動。此心旺也。錢治瀉心。心熱退。則肝母亦不能旺。是謂子能令母虛也。發搐在日晚申酉戌時者。此肺用事之時也。目微斜視。不甚搐而喘。身熱睡露睛。手足冷。大便黃水。錢治瀉其肝心。而補其脾。發搐者心肝實爲病之源。故

瀉之。手足冷。大便秘。黃水者。脾虛候也。故補之。發搐在夜間。亥子丑時者。此腎用事之時也。不甚搐。眠臥不穩。身體溫壯。目睛緊斜。喉中有涎。大便秘。銀褐色。乳食不消。多昏不納津液。錢治但瀉其心而補其脾。且心肝二藏爲病之源。今獨瀉其心而不瀉其肝者。此本因潮熱所作。發在腎用事之時。是腎虛心熱極也。故但瀉其心。熱退則肝亦平矣。若更瀉肝。則腎轉虛矣。其大便秘。銀褐色。乳食不消。不納津液。皆脾衰之證。故補其脾也。以上四藏分主十二時。脾藏爲兼見之證。此潮熱發搐。治則惟瀉心肝者。蓋二藏俱實。爲病之源故也。其肺藏有虛實之證。見虛則補。見實則瀉。況發搐是心火旺所作。而肺金實證亦罕。惟偏搐者有之。外腎藏但主虛而無實。見其虛則補之。內經有云。虛則補其母。實則瀉其子。先補其母。後瀉其子。子能令母虛。母能令子實。錢乙論此發搐原由。爲治次第。乃謂得聖人之經旨深意也。可謂出羣拔萃矣。今更以錢論三事參之。一者發搐逆順。二者發搐陰陽。三者發搐真假。及各於逐項之下。以錢治法爲證。後學之士。將此三事參推五藏。審別形候。察其虛實。觀以時刻。依法爲治。則小兒發搐之病。無以外也。

發搐逆順

男發左搐。或手大指屈外。或目左視無聲者順也。若發右搐。或手大指屈內。或目右視有聲者逆也。女發右搐。或手大指屈內。或目右視無聲者順也。若發左搐。或手大指屈外。或目左視有聲者逆也。順者相勝也。左肝爲木。右肺爲金。一負一勝。故無聲也。逆者戰也。二藏俱實。木金相擊。故有聲也。順者易治。逆者難治。男逆稍易。女逆極難。更當參其發時。以補瀉爲治。昔錢乙治李寺丞子三歲發搐。自卯至巳。目右視。大叫哭。乙見曰。逆也。男爲陽。本發左視無聲。則順。右視有聲。則逆。所以然者。左肝木也。右肺金也。逆則二藏相戰。金木相擊。而有聲也。治乃瀉強補弱。假令女發搐。目左視。是肺來勝肝。肝不能任。故叫哭也。當瀉其肺。後治其心。續治其肝。若病在秋。時日西肺兼旺位。當大瀉其肺。若病在春。時日晨此肝旺之時。尙不能勝肺。是肺強而肝大弱也。當補其肝腎。大瀉其肺。若男發搐。目右視。是肝來勝肺。而叫哭。當瀉其肝心。若病在春夏。時日晨肝心旺時。當大瀉其肝。若病在秋。時日補此肺旺之時。尙不能勝肝。是肝強而肺極虛也。當補其肺。大瀉其肝。所以言目反視者。乃肝主目也。凡搐則是風熱相搏於內。風屬肝。故引見於目也。今此病男反女。故稍易治於女也。先瀉其肺。不悶亂。以知肺病退也。後補其腎。續治其肝心。五日

而愈。乙又治徐氏子三歲。每日西發搐。身微熱。目微斜。露睛。四支冷而喘。大便微黃。請乙與一李醫同治。乙問李曰。病搐何如。以何藥治之。李對不當。乙曰。搐者心肝實也。身微熱者。日西肺用事之時。肺主身溫。今且熱者。肺虛也。目微斜露睛者。肝肺相乘勝也。四支冷者。脾虛也。肺若虛甚。則脾母亦弱。木氣乘之。四支即冷。治當先補脾肺。得脾虛證退。然後治其心肝。九日乃愈。此亦逆搐。肝肺相乘。目斜者。必當右視也。今舉此以明逆順爲治之法爾。

發搐陰陽

天弔附陽搐
脾風附陰搐

小兒發搐。爲急慢驚者。古書無有。惟曰陰癇陽癇。所謂急慢驚者。乃後世名之也。以陽動而速。故陽搐曰急驚。陰靜而緩。故陰搐曰慢驚。此陰陽驚癇發搐之別也。陽搐者。身大熱。面赤引飲。口中氣熱。大小便赤黃。眼上視連劄。手足搐急。牙關緊噤。項背強直。涎潮響。此因心熱極則生風。風屬肝。心肝子母風火搏熾。動而發搐也。及其發定。則了然如故。此陽盛陰虛。治當利驚以除風熱。不可與巴豆。駛藥大下之。恐蓄虛熱不消。小兒痰壅積熱於心。因聞大聲。或誤驚觸。則動而發搐。若熱極者。雖不因聞聲驚觸。亦自發搐。小兒本實者。多此候也。

〔天弔〕附小兒心膈壅滯。涎盛熱積。不得宣通。或因母飲酒食肉無度。致煩毒之氣。流入於乳。因以乳兒。令兒宿滯不消。熱毒乘心。發爲驚搐。眼目翻騰。壯熱不休。甚者爪甲皆青。狀若神祟。俗謂之天弔。此非天能弔人。以其眼弔上視。故取意名之。况小兒發搐。未有不眼上者。實亦陽搐之候也。治宜去涎熱。昔錢乙治廣親宅七太尉弟八使者發陽搐。自寅至午。於未發前。錢乙見其目直視而頤赤。此心肝俱熱。更坐石杌子就冷。此熱甚也。又肌體素肥而本實。其脈急促。發搐自寅至午。皆心肝用事之時。治乃瀉其心肝。而補其腎。病遂得愈。此亦瀉強補弱也。陰搐者。身溫面晄白。手足似搐不搐。但時時痙瘓。昏昏似睡。而無精神。眼露睛微微上視。或胃痛而啼作鴉聲。或不能啼哭。脣口白色。脈沉弱。此因大病之後。或吐瀉過甚。致脾胃虛損而生風。荏苒乃成。此陰盛陽虛。治當補其脾胃。瀉去肝風。小兒虛弱。雖不因吐瀉取轉。直發陰搐者亦有之。本怯者多此候也。

〔慢脾風〕附小兒因傷風冷。或病吐瀉。醫以溫藥補之不已。復用涼藥治之。又不已。本謂傷於風冷。醫亂治之。致脾虛而內不能散。外不能解。至十餘日。其證昏睡露睛。大便不聚而瀉。此脾虛風入。風在脾胃之間。故大便不聚而瀉。時痙瘓。身體

四支口鼻中氣皆冷。小兒亦有因驚所傳。或諸病久變。見此證者。皆因脾胃虛怯。而生風所爲也。故俗謂慢脾風矣。實乃陰搖之危候。治當去脾間風。風退利止。以補脾胃。昔錢乙治王氏子病吐瀉。他醫以藥下之。至虛變陰搖。其候睡露睛。手足瘈瘲而身冷。乙見曰。此慢驚也。與藥以實脾胃。卽開目身溫。王疑其子不大小便。又令他醫以藥利之。而復身冷。尙欲令乙利小便。乙曰。不當利。利之必身冷。王曰。已身冷矣。乙曰。不能食而胃中虛。若利大小便。使脾腎俱虛。當閉目身冷卽死。今此兒幸胎氣實而難衰。乙復補脾胃。則微能飲食。所以然者。謂利大小便。脾胃虛寒。當補脾而不可別攻也。後不語。他醫作失音治。乙曰。旣失音。何開目而能飲食。又牙不噤而口不緊。他醫不能曉。乙曰。此因用清藥利小便。致脾腎俱虛。今脾已實。腎尙虛故也。遂以藥補腎。及依法爲治。半月能言。一月而痊。

發搐真假

真者兒在母胎中時。血氣未全。精神未備。則動靜喘息。莫不隨母。母調適乖宜。喜怒失常。或聞大聲。或有擊觸。母驚動於外。兒胎感於內。至生下百日以來。因有所犯。引動其疾。則身熱吐衄。心神不寧。睡臥昏騰。躁啼無時。面青腰直。手足搐搦。口

撮顙縮。目瞪氣冷。或眼閉膠生。或瀉青黃水。是胎癇也。是內藏感病。發爲真搐。然亦發稀而難治。不過三兩次必死矣。假者兒生出母腹。百日以來。肌膚嫩怯。血氣軟弱。被外風傷之。入客於內。每遇則兒不能任。故發搐搦。口中氣熱。呵欠嚏噴。此風癇之候。重者亦不呵欠嚏噴。與胎癇相似。然發頻者輕。輕則易歇。故也。治當發散。昔錢乙治李司戶孫生。百日來發搐。日三五次。請衆醫治。或作熱天弔。或作胎驚。或作驚癇。治皆無應。後請乙治。乙曰。嬰兒初生。肌骨嫩怯。被風傷之。兒不能任。故發搐也。然頻發者輕。以客風在內。每遇不任。卽搐輕則易歇。故發頻也。搐稀者是內藏發病。不可救也。乙用微劑以散風邪。兼塗顙浴法。治之乃愈。仍不可多服。蓋兒至小。易爲虛實。多卽生熱。止一服而已。兼用塗無不效。已上錢乙所用方。並本集載之。

驚癇雜論

凡小兒急驚。雖搐甚。不用忙擾。亦不足畏。慢驚雖微搐。切當救。乃危候也。方搐之時。但與扶持。慎勿擒捉。蓋風氣方盛。恐流入筋脈。致手足曲戾不隨。或成拘攣。凡小兒急驚。閻孝忠云。當其搐勢減。與鎮心治熱藥一二服。如麝香圓、抱龍圓、辰

砂圓、紫雪之類。候驚勢已定。用藥下其痰熱。如麝香圓、軟金丹、桃枝圓之類。如此則心神安寧卽愈。

凡小兒慢驚。若因吐瀉。已成虛損者。閻孝忠云。當與速生胃氣。以理中丸。並研金液丹末。煎生薑米粥調灌之。多服乃效。候胃氣生。手足漸煖。四支猶然痠癢。卽減金液丹一二分。增青州白圓子一二分。同研如上服。漸漸以意減金液丹。加白圓子。兼用異功散。羌活膏。鈎藤飲之類調理。頻頻與粥。雖至危者。往往死中得生。

凡小兒急慢驚。陰陽異證。切宜辨而治之。急驚合用涼藥。慢驚合用溫藥。世人多用一藥。不能分別。誤小兒多矣。殊不知藥性自有溫涼。豈可泛用。初虞世謂治陰陽癇。寒溫藥性。當於方中用時增損。則無失矣。又閻孝忠言。慢驚藥中宜去龍腦。縱須合用。必以溫藥爲佐。或少少用之。惟涼故也。

凡小兒於天陰雷發聲之時。必掩塞其耳。或作雜聲以亂之。恐猛聞大聲而發搐。凡小兒發搐。時醒而身軟者爲癇。若發搐不時醒。身硬者爲瘥。又名乃中風之候。論在中風門

凡小兒驚癇洩瀉等諸病。煩渴者皆津液內耗也。不問陰陽。煎錢氏白朮散。使任

意取足飲之。彌多彌好。

凡小兒驚癇藥中。能不用水銀。輕粉者尤佳。如不得已而用之。僅去其疾卽止。蓋小兒腸胃易損。亦傷口齒。今所集之方。多不用銀粉。如須用之者。當依此酌量減損。

凡小兒欲生瘡疹。有發搐者。當從瘡疹爲治。餘諸病有與驚癇相兼。可以一方爲治者。依法用之。若不可以一方爲治者。則各用所主藥。相兼治之。

凡小兒驚。蜚蝨爲治第一。世醫多不學。未見有用者。若用之。須擇不傷水者。傷水卽不堪用。去其頭翅足。炙令焦。乃入藥。

凡小兒吐瀉後。精神困頓。多睡。不吃乳食。四支逆冷。欲變成癇者。以神麴爲末。入腦麝各少許。溫水調服。若已成癇。哭如鴉聲。面色青黃。手足痠癢。咽中不利。更入硃砂同末服之。若變癇滑利者。以麴末蜜圓如雞頭大。溫水化下。

又一方。麴末一兩。琥珀。甘草各二錢。硃砂。雄黃各一分。同末。蜜圓如雞頭大。名太乙丹。治小兒百病。

小兒衛生總微論方

卷五

驚癇方下

治驚欲發搐方

定心膏 治諸熱。安心神。截驚癇欲發。

生葛根

取汁半合如無生者乾葛細
浸一宿慢火熬取汁

竹

瀝

半合依
法旋取

大麻仁

一分三
味同研

萊豆粉

別一兩
研

硃

砂半兩
研飛

牛

黃

一錢
研

麝

香一錢
研

右同和如稀粥。更入少萊豆粉。相拌得所。石臼中杵三二百下成膏。圓雞頭子

大。每服一丸。煎人參湯化下。量大小增損。用無時。

琥珀丹

治如前。

琥

珀一兩
研

白僵蠶

去絲嘴
炒半兩

臘月牛膽製天南星 一兩

天

麻一兩

白附子

半兩

香白芷

半兩以上
為細末

砂水飛

龍腦研一錢

時。右拌勻。煉蜜圓。如雞頭子大。每服一圓。煎人參薄荷湯化下。量大小增減。用無

生葛飲子 治熱極不已。欲發驚癇。

生葛汁一合

竹瀝一合

牛

黃如杏仁許別研

右相和。每服半合。量大小與之。無時。

鉤藤飲子 治發熱時戴眼。口吐涎沫。欲發癇搐。

鉤藤半兩

蚱

蟬七枚去翅足微炒

人

參去蘆一分

黃芩一分

大黃一分

右粗末。每服一錢。水一盞。煎至六分。入竹瀝半合。再慢煎數沸。下牛黃一小豆

許。細研入之。攪勻。放溫。量大小與服。得微汗為妙。乳母忌蒜麵炙煖之物。

治小兒心胸積熱。毛焦。睡中狂語。欲發驚。

硃

砂半兩研飛

牛

黃六分

右同研如粉。每服一錢。摩犀角水調服。量大小與之。無時。

治小兒熱盛。夜後狂語欲發驚。以竹瀝一歲兒連夜飲二合。少少頻與。兒大以意加之。無時。

參苓散 治小兒忽作驚狀。目上視。手足強。未可服驚藥。宜先與此服之。

人參去蘆

茯苓

去黑皮各半兩

甘草炙一分

右爲末。每服一錢。溫湯調下。食空服。

茯神散 治小兒煩熱心悸。手足搖動。欲發驚癇。

茯神去心木

龍齒研細

牛黃別研

犀角屑各半兩

寒水石一兩

石膏研飛一兩

川大黃一錢

右爲粗末。每服一錢。水一盞。煎五分。去滓。入竹瀝半合。更煎一二沸。量大小與服。無時。

又方 治如前。

茯神去心木

龍齒研

升麻

甘草炙半

寒水石

石膏研飛

麥門冬去心

右爲末。每服一錢。水一盞。煎至五分。去滓。入竹瀝半合。更煎一二沸。量大小與服。

服。無時。

辰砂金箔散 治小兒心膈邪熱。神志不寧。悸惕煩渴。睡臥不穩。弄舌齧齒。痰實欬逆。咽嗌不利。發驚欲癇。

辰砂七錢

桔梗五錢

人參三錢

白茯苓三錢

蛤粉八錢

牙消三錢

甘草二錢

腦子半字

金箔二片

右爲細末。百日以下兒用半字至一字。薄荷水調膏塗舌上。令自嚥。百日上兒或大便澀者。蜜湯調一字與服。一歲上者半錢。咽喉腫痛。口舌生瘡者。以少許摻病處。嚥津必效。

牛黃散 清心涼膈。截驚癇欲發已發。

牛黃半兩

硃砂一分

麝香別研

蠟梢一分

天竺黃一分

鈎藤一枚

右同拌研勻。每用一字。新汲水調下。無時。

雌黃圓 治眼直惡聲。嚼舌吐沫。欲發驚癇。

雌黃一兩研 黃丹一兩 麝香一錢

右同研細。用牛乳半升。熬成膏和劑。圓葉豆大。每服三圓。溫水下。日三。如無牛乳。用羊乳亦得。

急風膏 利胸膈。清心神。截欲發已發驚癇。

硃砂半兩研 天漿子十四箇微炒取

膩粉一錢

青黛一分 乾全蠍為末

右拌研勻。細入龍腦細末半錢。再同研勻。用軟飯劑成膏。圓阜子大。每服一粒。

煎人參荊芥湯化下。無時。

消驚膏 治小兒風熱。涎盛。截除驚癇。安鎮心神。定寧搐搦。利膈腕。去壅滯。

龍腦半錢 硃砂研水 天南星 白附子生末

天麻末 蠍梢末 半夏湯洗淨生為末各二錢

水銀結砂 膩粉各一

右同勻。細用石腦油盞內重湯煮過。搜和藥末為劑。圓如黑豆大。每服一二圓。薄荷湯化下。更量大小加減。服無時。

神效硃砂圓 治小兒溫壯驚風積熱。一切壅滯。能化痰清神。利膈消驚。截搐。

硃砂研細飛

膩粉各一分

連六金箔七片

乾蠍十箇全者

天麻一分

白附子炮一分

半夏湯洗七次去滑焙乾一分

白僵蠶炒去絲一分

右同爲細末研勻。煮棗肉和如小豆大。每服二圓。煎荊芥薄荷湯化下。無時。

剪刀股圓 治小兒驚風欲發。未見的證。但先服一圓。無不消退。用之常驗。

五靈脂去砂石一分

乾蠍緊小者

龍腦別研半錢

牛黃別研細一分

乾蟾淨洗去五藏四分慢火炙令黃色一分

蛇黃火煨醋淬七次別研如粉半兩

白僵蠶直者去絲嘴畢微炒用

天竺黃別研半兩

硃砂研一錢水飛

麝香別研半錢

右順手研令極細。糊圓櫻桃大。每服一圓。金銀薄荷湯。以剪刀股研化服之。三歲下者。只半圓。無時。

治風癇方

蜣蜋散 治小兒風癇發搐。

乾蛻蝦三分微炒

天麻半兩

防葵半兩

蠍梢一分

威靈仙半兩洗焙以

川芒消

天竺黃各一分二味同研細

右同拌勻爲散。每服一字或半錢。乳香湯調下。量大小加減與服。無時。

麻黃蠍梢散治如前

麻黃去根節半兩 蠍梢十四箇

右將二味碎之。用薄荷葉裹徧外。更用紙裹了。於水蘸溼。慢火中煨紙及葉乾透。取出爲末。每服半錢。金銀薄荷湯調下。無時。

芎犀散治風癰多困不省

川芎 犀角散 獨活去蘆各半兩 蠍梢

人參 天麻各半兩

右爲細末。每服半錢。溫酒調下。無時。

葱湯圓治風癰發搐痰盛壅熱

天南星炮裂爲末 蠍梢一分微炒 半夏一分洗七次 寒水石煨熟爲末

硃砂半錢飛 僵蠶去絲一分

右爲細末。麵糊圓菜豆大。燒葱白泡湯送下三五圓。量大小加減。無時。

人參化風膏 治風癇發搐。涕效無時。

天麻 酒浸

全蠍 十四箇 微炒

僵蠶 去絲嘴 微炒

人參 去蘆

川芎

白附子 各半 雨

羌活 去蘆

獨活 去蘆

防風 去蘆並叉 枝各一分

右爲細末。煉蜜圓如皂子大。每服一圓。荆芥湯化下。量大小與之。無時。

治小兒風癇

以鼈甲去裙襴。炙黃杵末。每服一錢。乳汁調服之。或以蜜和圓。如小豆大。服之亦可。無時。

雞蘇散 治小兒風癇。

雞蘇

木賊

荆芥

右各等分爲細末。以茶清調下半錢或一字。無時。

皂莢煎圓 治如前。

肥嫩不艸皂角 十銖 去皮穢 以水二大碗 投汁 去滓淨盡 將汁熬成膏 別頓

號

丹 不拘多少 於

炭火煨至炭
過吹去其灰

右研號丹爲細末。量其所用。入阜莢膏和劑。圓菜豆大。每服五七圓。溫湯送下。
乳食前。

榴梅散 治如前。

以大石榴一枚。割頂去子。剝作甕。入全蠍五個在內。卻以頂蓋之。紙筋搥黃泥封裹了。先用微火炙乾。漸加大火煨通赤。良久去火。放冷去泥。取其中焦者。細研爲散。每服半錢。乳調下。搗者服之便定。不會服者灌之。兒稍大用防風湯調下。無時。

大青膏 治風癰發瘡。

青 黛研一分

麝 香別研一字

天 麻末一分

白附子生末錢半

蠍 尾去毒錢

硃 砂半錢研

烏蛇肉酒浸一宿去骨焙取末一錢半

天竺黃五分

右爲細末和勻。生蜜劑膏。每用月中兒。粳米大。百日兒。半阜子大。一歲兒。一阜子。同牛黃膏溫薄荷水化開。一處服之。五歲上者。同甘露散一處服之。

牛黃膏

雄

黃

小童大塊用獨蒜蘿蔔根同醋一大盞煮至醋盡爲度

甘

草

三錢末

川甜消

三錢

硃砂末

半錢別研水飛

龍

腦

一字

寒水石

五錢末並炒

右爲細末研勻蜜和劑。溫薄荷水化。如前法服之。無時。

甘露散

一名玉露散

寒水石

半兩嫩而帶青中有細文者是

石

膏

半兩堅白有牆壁者是

生甘草一分

右同爲細末。每服一字或半錢。溫湯調下。食後。

治驚癇方

蟬殼散

治驚癇熱盛發搐。

蟬

殼

去土半兩飛炒

人

參

去蘆半兩

黃

芩

一分

茯

神

一分

升

麻

上一分以細末

牛

黃

別研一分

天

竺

黃研一錢

牡

蠣

粉研一分

右同勻細。每用半錢。煎荊芥薄荷湯調服。無時。

鎮心膏

治驚癇發搐。熱盛悶亂。

遠

志甘草水煮

防

己半兩

茯

神去心內

人

參去蘆

大

黃半兩微炮

砂研飛

雄

黃一分研

金

箔三十片

銀

箔三十片

龍

腦細一錢

右拌勻。

煉蜜和膏。每服一卓子。薄荷湯化下。無時。

金銀丹

治驚癇發搐。安神定志。解煩熱。化痰涎。

羌

活去蘆

人

參去蘆

茯

川芎

山

藥

南

星

蛇

黃火煨醋淬七次

蜈

蚣三分

腦

子一錢

乳

香一分

全

蠍一分

雄

黃水飛

蟬

殼去土

僵

蠶絲炒去

鐵

粉各半

麝

香一錢

硃

砂半兩

右爲細末。麵糊和圓。作二三等圓子。隨大小量圓數服。無時。

安神湯

治驚癇搐搦。精神傷動。心意不寧。

白茯苓

一兩

白鮮皮

菖

蒲節一兩九

人

參去蘆

遠

志甘草水煮

石

膏半兩

甘

草一分

犀

角末一分

右爲細末。每服一錢。水一盞。去心麥門冬少許。煎至五分。去滓放溫。時時與服。

鎮驚圓 治驚癇發搐。中焦壅熱痰盛。

茯 神去皮及內木 人 參去蘆

防 葵 鐵 粉研

硃 砂研水飛 雄 黃研水飛

犀 角 屑 龍 齒別研

大 黃蒸各一分 牛 黃研

龍 腦研各一分 金 銀 箔各三片

時。右爲細末。煉蜜和圓。小雞頭大。每服半圓或一圓。薄荷湯化服。量大小加減。無

真硃圓 治食癇方千金用紫圓方具前製蒸門中 治食癇發搐。

滑石末三錢 輕 粉三錢

乾 蠟七箇 南星末一錢

巴 豆四十箇去皮膜出油盡用 半夏麴末二錢 麝 香少許

右爲末。蒸餅和圓。萊豆大一歲下者一圓。上者二圓。葱湯下。乳食前。

蚬 散 治食癇發搐。身熱眼上視。

乾 蠟 白附子 硃 砂各一錢研水飛 膩 粉半錢

巴豆二十四箇去皮膜出

天漿子三箇去殼

麝香一字

右同研細。每用一字。薄荷湯調下。量大小虛實加減。乳食前。

大青圓治食癰發搐。及有驚積。贊方

青黛炒五錢

蜈蚣一對全微炒

蠍二十一箇全者微炒

巴豆二十一箇去皮心膜出油

用盡

右爲末。用鵝梨汁煎。萊豆粉作糊和圓。豌豆大。每服一圓。酒一匙。水一匙。薄荷

汁少許。同化下。食癰或急驚發搐。服之立效。乳食前。

銀湯圓治如前

天南星諸黃透切焙乾爲末炒一錢匕

棘岡子十四箇去殼

蠍梢十四箇

巴豆十四箇去皮心出油盡

雄黃末錢七

硃砂五分

右爲細末。煎薄荷湯調麵作糊。圓如黍米大。每服五圓。煎金銀湯下。乳食前。更

量大小加減。

妙聖丹治食癰發搐。利胸膈。

蠍梢四十九箇微炒 木香一分

代火煨醋淬 諸十次一分 牙消一分

大

黃上先為末膩

粉半份

硃

砂半兩飛

麝

香半錢別研

腦

子半錢研

巴

豆七箇去皮心紙裏出盡油

右為細末。滴水。和圓。黍米大。每服三五圓。沉香湯下。乳食前。

蟾酥丹

治食癰毒盛。湯藥不下。

蟾

酥一分

真珠末一分

甘

遂一分火煨黃

牡蠣粉一分

犀角末一分

巴

豆七箇去皮心出油盡杏

仁一分皮尖細研炒去

麝

香一分研

右拌研勻。細糯米飯和圓。黍米大。每服三圓。煎荊芥湯放溫送下。量大小加減。

乳食前。

靈硃圓

治食癰乳食不消。心腹壅滯。四支抽掣。

五靈脂

去砂

硃

砂研水飛

巴

豆五枚去皮心紙裏出油

右同研細如粉。燒粟米飯和圓。黃米大。一二歲兒溫水下二圓。取或利或吐效。

更在量大小加減服之。乳食前。

三癰丹

治癰證發。未能分辨。皆可治之。

黑錫一兩水銀半兩二味同結妙子研極細

蠟梢半兩

木香半兩

天南星半兩炮裂

僵蠶去絲嘴半兩炒黃

參去蘆半兩

半夏半兩洗七次湯

防風去蘆並叉枝半兩

右爲細末。石腦油半盞。研極細。入麝香一錢。腦子半錢。各研細。與衆藥末拌勻。棗肉和圓。黍米大。每服三五丸至十丸。煎荊芥薄荷湯下。無時。

治五藏五畜癰方

治肝病犬癰 伏日取犬齒。水磨汁服。

又方 取犬頷骨爲末服。

治心病羊癰 三月三日取羊齒。水磨汁服。

又云心病馬癰 取馬齒。水磨汁服。

又方 取馬毛燒灰爲末。水服。一云馬蹄。

治脾病牛癰 取牛齒。水磨服。烏牛齒最佳。

又方 取白牛尿中豆服之。

又方 燒蹄末服。

又方 取牛鼻中木燒灰服。

治肺病雞癰 取白雞腦水調服。

治腎病猪癰 五月五日取猪齒水磨汁服。

又方 取猪乳服。

五色圓 治五藏五種癰並主。

硃砂半兩研 水銀一分

雄黃二兩研 真珠末一兩令研極細

鉛三兩同銀熱

右為末煉蜜和圓。麻子大。每服三四圓。煎金銀薄荷湯化下。無時。

露蜂房散 治五種癰瘡發口吐涎沫。

露蜂房淨焙乾 石菖蒲節一兩九

桂心半兩 遠志甘草水漬

人參半兩去蘆 牛黃一分

杏仁湯浸去尖 硃砂一分

硃砂一分

右同為細末。每用半錢。麝香湯調下。無時。

治偏搐方

雙劍金 治驚癇偏搐。

赤足蜈蚣一條 紫色大螳螂一箇

右晒至乾。以利刀當脊分切作兩畔。各逐左右。別研爲細末。不得交錯。各用貼子盛之。於貼子上號記左右。遇其患者。每用一字許。鼻內任搐之。左治左。右治右。俱搐者。任右則右住。任左則左住。左右任皆住。

雙金散 治前。

右以蜈蚣一條大者。去頭足尾。用真酥塗。慢火上炙黃。置枯子。面南用快竹刀子當脊縫中停利作兩半。用兩貼子號記左右字。不得交差。差則誤矣。又以麝香一錢。亦分左右兩處。先將左分一半。在左字貼內。與蜈蚣同研作細末。卻入左字貼內盛訖。次將右分一半。入在右邊貼內。與蜈蚣同研作細末。卻入右字貼內盛訖。不得相犯。每遇病者。眼睛弔上。止見白睛。搐搦不省。不能出聲者。用細葦筒子置藥少許在中。隨搐者左右鼻孔中吹之。用藥不可多。若眼弔全未下。即添些小。以意度量。其眼隨手便下。搐亦便止。餘同上法。二方相犯。

保壽散 治驚癇偏搐。

雄

黃水飛

茯

苓去黑皮

人

參去蘆各一分

硃

砂半兩飛

牙

消一錢

右爲末細勻。每用半錢。熟水調下。一歲用一字。無時。

治陽搐急驚方

軟紅膏

治急驚潮搐涎盛。

天南星爲末一兩生

硃

砂半兩飛

水

銀油一分用真石腦半盞同研細

乾蠍梢爲末四十九箇

右拌勻入腦。麝各一錢。再研棗肉和劑。入石臼中杵三五百下。圓如阜子大。每

服一圓。煎薄荷湯化下。神驗。無時。

硃粉丹

又名鶴頂丹

治急驚壯熱吐涎發搐。

硃

砂半兩飛

膩

粉一分

蠍

梢半兩微炒

巴

豆七箇去心皮膜出油盡用

用一方只五箇

右爲細末。糊圓黍米大。每服三兩圓。煎桃仁湯下。一方無巴豆。但作散。每服半錢。湯使如前。無時。

百靈圓 治急驚。化涎定搐。

黑鉛一分 水銀同結砂子二味 天南星炮裂一分 白附子炮裂一分

乾蠍微炒一分 天麻一分 蟬殼去土一分 麝香研一錢

牛黃研一分

右為末勻細。糯米飯和圓。黍米大。溫酒下三圓。量大小加減。服無時。

天漿子圓 治急驚發搐。

天漿子十四箇有蟲者去殼牛黃別研一分 麝香研一錢 白附子炮裂一錢

犀角末一分 半夏洗七分次湯蟾酥一錢 猪膽一箇

右為細末。入猪膽汁和劑。如汁少入少麵糊圓。黍米大。每服三五圓。薄荷湯下。

無時。

硃砂散 治如前。

硃砂一分研膩粉半錢 麝香研半錢 蘆薈二錢

胡黃連一錢 蠍梢七箇 白附子二錢 金箔七片

僵蠶十箇去嘴炒赤足蜈蚣炙一條 甘草二錢

右爲細末。二歲上兒半錢。以下者一字。金銀薄荷湯調下。三歲上者一錢。如口噤不開。灌入鼻中。無時。

白金散 治如前。

天南星 一兩大者破之 仆

消 兩半

白 礬 一錢

甘 草 半兩

右爲粗末。用水五盞。慢火一處煮水盡爲度。焙乾爲細末。入硃砂末一錢拌勻。每用半錢。煎金銀薄荷湯。放溫調下。無時。

七寶牛黃圓 治急驚目睛上視手足發搐。

硃 砂 水飛

粉 霜 別研

輕 粉

雄 黃 研水飛

牛 黃 半錢別研

腦 子 一字

麝 香 一字

右爲細末。糯米粥和圓。小豆大二歲下兒半圓。上者一圓。金銀薄荷湯磨化服之。月內兒一圓分四服。百日者分三服。看兒大小壯怯。及病勢輕重。以意加減。無時。

水銀圓 治急驚。痰壅發搐。悶亂口噤。

水 銀 一分入棗肉少許同研至星盡

膩 粉 一分

南 星 炮裂

乾 蠍一分微炒

右爲末。再用棗肉和圓。黍米大。每服五七圓。乳香湯下。量大小加減。無時。

小硃砂圓 治急驚發搐痰壅。

硃砂一分研

巴豆三十箇去心皮

半 夏湯洗七抄焙乾爲末炒二

錢次二

杏仁五箇浸去皮尖炒黃

右爲細末。麵糊和圓。萊豆大二歲兒一圓。荆芥薄荷湯下。三歲加一圓。五歲者三圓。如有驚在內者。利動至病盡藥圓乃出。如無驚者。藥不下也。甚妙而穩。乳

食前。

至聖膏 治急驚發搐。手拳緊。多睡啼叫。煩熱膈實。

硃砂一分

天南星臘月牛膽製用半兩 鐵粉一分研

蠍 梢十四箇

續隨子去皮四箇

腦 麝各少許

右爲細末。煉蜜和圓。萊豆大。薄荷溫湯化下一圓。如涎多加輕粉半錢。更量大

小加減。無時。

牛黃散 治急驚搐搦。壯熱膈壅痰盛。

乾全蠍 七箇

巴豆 二枚

輕粉 半錢

雄黃 二錢

川鬱金 一分 剉用 煑過 炒至乾用

硃砂 一錢

右爲細末入腦麝各少許。每用一字。薄荷湯下。或得吐瀉。或得睡汗皆愈。如牙關噤。卽先用藥摻開。然後服之。開噤方在後。

蚬螂散 治急驚風潮搐。

以全蠍中緊實者。去尾尖上毒。炒焦爲末。每服一錢。濃煎防風湯調下。予相識王宣教。諱循。一子病驚搐。得此方治安。渠恐再發。遂與常服之。妙選同與

烏蛇散服之尤佳。

四聖散 治一歲至六歲兒。急驚潮搐。

天漿子 一枚

硃砂 二錢

全蠍 一枚

麝香 一太

右同研膏。每服少許。薄荷溫水化下。無時。

治小兒卒得急癇。

鉤藤

甘草 半兩

右剉碎。以水五合。煮取二合。分八服。日五夜三。

治急驚風搐痰盛。

天漿子

三筒去殼生用

乾

蠍七枚生用

硃

砂水飛一錢

右同爲末。軟飯和圓。粟米大。每服二圓。荊芥湯下。不計時。更量大小加減。

又方

治如前。

以全蠍一枚。薄荷四葉裹合。火上炙令薄荷葉焦。同研細末。分作四服。溫湯調下。亦治大人風涎。只作一服。無時。

治急驚發癇。迷悶不省。嚼舌仰目。瘈瘲。

以真牛黃一大豆許。研細和蜜水服之。

以犀角末半錢。溫水二合分服。

以真熊膽二大豆許。以乳汁或竹瀝服之。能去心中涎。卽愈。

以虎睛研末。以水調灌之。量大小與。一方用一豆許。炙乾研末。猪乳三合和之。綿纏蘸浸。與兒吮之。頻頻以多爲佳。

治小兒卒驚。似有痛處。而不知疾狀。

以刺雄雞冠血滴少許。入兒口中。

治小兒初發驚搐。壯熱痰壅。嘔吐不止。

蠍炙一枚

麻黃去節一尺不

薄荷四葉炙焦

右爲細末。量大小用藥。以水六分。煎一呷溫服。

牛黃膏。治驚風邪熱。痰盛膈壅。時發潮搐。痰嗽不時。上視齧牙。服之退驚化涎。

涼膈鎮心。祛邪止嗽。美進乳食。

牛黃別研

人參去蘆各一錢

甘草炙二錢

牙消枯

硃砂研水飛各半錢

雄黃一錢半飛

蛤粉三錢

金箔一片

銀箔一片

龍腦少許

右爲細末。煉蜜和劑。每九錢重。分作一十圓。以金箔爲衣。每服一圓。溫薄荷水

化下。乳後。

附天弔

治孩童天弔癇搐。

以東行桑根取汁與服。亦能傅鵝口瘡。

保生圓。治天弔搐搦。壯熱藏府壅滯。

蠍五枚

天南星一枚

巴豆七枚

右於清明時初夜。將藥露北極下一宿。明旦杵羅爲末。以豉四十九粒。口含不語。津潤至脫去皮。研爛和圓。黍米大。隨年圓數。溫水下。乳食前。

治天弔備急塗頂法

川烏末一錢

藝薹子末三錢

右用新汲水調塗。貼頂上立驗。一方用稀糊調塗顙上。

一字散 治天弔眼上能退風爽神。

大天南星半兩

蟬殼去土一

乾蠍一分

僵蠶去絲嘴

右爲細末。次入蕎麥麵一分。用酸石榴一個。去穰子留殼。將諸藥入在內。鹽泥

封裹。於竈內慢火燒至泥乾燥爲度。取出再研極細。每服一字。溫酒調下。無時。

蠱魚膏 治天弔目睛上視。手足脣口搐掣。

右以壁魚兒乾者十箇。溼者五箇。用乳汁相和研爛。再入乳汁少許灌之。

琥珀散 治天弔驚風發搐。

琥

珀末一

真珠末一

硃

砂末半

鈎

霜半分

赤芍藥末一分半

右拌勻。每服一字。煎金銀薄荷湯調下。無時。

僵蠶散

治天弔目上視發搐。

白僵蠶

去絲嘴 炒半兩

馬牙消半兩

鬱

金半兩

乾

蠍半兩

右爲末。每服一字。乳汁調下。急者服半錢。無時。

治陰搐慢驚方

犀角散

治吐瀉變慢驚。發瘕瘕。

犀角屑一錢

白

朮二兩 水煮

甘

草半兩 炙

橘

皮半兩 去白

右爲細末。每服半錢。水一盞。入金銀薄荷煎至七分溫服。連進三服。無時。

銀白散

治吐瀉生風。發慢驚癇。此藥滌涎醒脾去風。

右用大天南星一個。重一兩者。換酒浸七伏時取出。置新瓦上。周圍以炭火炙

令乾裂。頓於地上去火毒。用瓷器合之。候冷取出。杵羅爲末。次入硃砂細末一

分拌勻。每服半錢。荊芥湯調下。早辰午前各一。

青金膏

治因吐瀉變慢驚癇。

烏蛇肉一分酒浸宿焙乾 梢一分 天 麻一分 白附子一分

大附子一分炮裂去皮臍 青 黛一分 麝 香一分 天竺黃一錢

右爲細末入研藥拌勻煉蜜和膏圓阜子大煎人參薄荷湯化下量大小與服無時。

睡驚圓 治慢驚身熱癰瘕昏憤。

硃 砂末一錢 香 墨末一錢 青 黛末一錢 蘆 會末一錢

膩 粉一錢 龍 腦半錢 使君子二箇去殼爲末

右拌勻細寒食麵作糊和圓桐子大薄荷湯化下一圓無時。

附子散 治慢驚身冷癰瘕昏困保生名辰砂散

大附子一枚重九錢上者生用去皮臍 天南星二錢生用 半 夏佛湯洗七次用二錢

白附子半一錢 硃 砂二錢 麝 香一錢

右爲末同勻每服一字薄荷湯調下無時。

羌活膏 治脾胃虛而生風或因吐利或取轉過度發爲慢驚。

羌 活去蘆 川 芎 人 參去蘆 白附子炮

赤茯苓

去皮各半兩

天

麻一兩

僵

蠶去絲嘴酒浸炒黃一分

乾

蠍去毒炒一分

附

子臍炒去皮二錢

白花蛇

酒浸肉焙乾秤一分防

風去蘆並可枝二錢

牛

黃錢半

麻

黃去根節

肉豆蔻

麝裹煨

藿香葉去土

沉

香

雞

舌香母丁也

木

香錢各二

真

珠末研

麝

香錢半

輕

粉研一字

腦

子半字

雄

黃飛水

辰

砂研水飛各二錢半

右爲細末同勻煉蜜和劑旋圓如大豆許每服一圓薄荷湯或去心麥門冬湯

下一二圓量大小加減若急驚者勿服此藥性溫故也服之無時

溫白圓

治脾困瘦弱或因吐瀉或久病成慢驚身冷瘵癰

天

麻半兩

僵

蠶去絲嘴炒一分

白附子

生一分

乾

蠍去毒

天南星

湯洗七次剉碎一分

右爲細末以湯調食麵作糊圓菜豆大圓了頓寒食麵中養七日畢取而用之

若急用未足日數亦可用每服五七圓至一二十圓量大小加減生薑米飲下

空心服看病勢漸加圓數多與服妙

鈎藤飲子 治陰癇多昏睡。手足冷。時瘵癰。直視不乳。

鈎藤鈎子 三分

僵

蠶 去絲
嘴炒

川 芎

甘 草 炙

蟬

殼 去土並頭
翅足炙

蛇

蛻 炙黃焦
各一分

蜭

螂 三箇去頭
翅足炙黃

右爲末。每用二錢。水一盞。生薑五片。煎至七分。去滓。量大小與服。小者分三四次與服。不會服卽灌之。若審是陰癇的當。用藥末二錢。入炮過附子碎。用指面許。依前煎之。溫服。日三夜一。急驚不用附子。服之無時。

七聖圓 治陰癇體虛羸瘦多困。

烏

蛇 酒浸軟去皮
骨只取肉用

蠍

梢

白僵蠶 絲炒去
嘴

青 黛

白附子 各一

蜩

蜋 五箇去頭
足炙令焦

蟾

酥 子大

右爲細末。煉蜜圓桐子大。如遇病者。先以半圓湯泡薄荷水化開。灌兒鼻中。如得嚏則可醫。以金銀湯化下一圓。日二三。若灌藥不嚏難治。服之無時。

天漿子散 治陰癇昏困多睡。時時瘵癰。

天漿子

三箇去
殼用蟲

白僵蠶 三箇
微炒

乾全蠍 三箇
微炒

右爲細末。每服一字。煎去根節麻黃湯調下。日三。得汗出爲效。服之無時。

七神丹 治陰癇面青口噤。喉內涎吼。手足癱瘓搐搦。

硃砂研水飛

牛黃研

羌活去蘆各一分

天南星半兩炮裂

麝香研一錢

蠍尾炒

僵蠶去絲嘴炒各七箇

右爲細末。以熟棗肉和圓。菉豆大。薄荷湯下二三圓。兒小化服亦得。無時。

天南星煎圓 治陰癇慢驚癱瘓。

天南星一兩細剉水二盞慢火熬至半盞去滓再煎成膏

白附子半兩炮裂

天麻一兩

乾蠍一兩

右下三味爲細末。入膏和圓。菉豆大。三歲兒二圓。五兒歲三圓。薄荷湯送下。日

二服。無時。

五靈脂圓 治如前。

五靈脂去砂石

白附子生

天南星生

乾蠍生

蟬殼去土生各一兩

右爲細末。用醋二盞。先以藥末一兩同熬成膏。入餘藥和圓。菉豆大。未滿月兒

以乳汁化下一圓。二歲下二圓。大者以意加之。金銀薄荷湯化下。服畢鼻上汗出是效。無時。

蜆殼膏 治如前。

右以螻蛄一箇。去頭翅足。入麝香、輕粉各黃米許。同研極細。以新水少許就之。用蜆殼灌之立效。

必救丹 治如前。

赤足蜈蚣一條去頭足

蠍 梢七箇

生犀尖剉末一錢

染 坯半錢

硃 砂半錢研

麝 香一字

右爲細末。煎豬脂油圓。黍米大。每服三五圓。用大金散下。無時。

大金散

辰 砂水飛五錢

真鐵粉一錢

輕 粉一錢

金 箔片一大

右爲細末。分作九服。如遇患者。將一服分二處。每一半。用童子小便並酒共半盞。煎三四沸。放冷調藥一半。送下必救丹。如行五里許。再一服。約半日後。便下驚痰惡積便安。如已經取轉虛者。即用井花水調大金散下。必救丹須認是慢

驚者。方可與服。立見其效。氣雖絕。心頭溫者。灌下藥。卽醒。

薰陸香圓 治虛風慢驚。發搐癰癢。安神魂。定心氣。

血竭半兩 乳香別研

右研細。於火上炙。鎔爲圓。如乾卽入少許水和。如酸棗核大。每服一圓。薄荷酒化下。兼治婦人產後血暈。不省人事。無時。

如神散 治如前。焦大官

蜈蚣一條全者 蠍十四箇全 辰砂一錢飛

右爲細末。百日兒一字。荆芥湯調下。漸大以意加之。無時。

天雄膏 治如前。

赤頭蜈蚣一條日曬乾卽用好 天雄一錢慢火 白附子一錢

硃砂半錢研 細辛去苗 輕粉半錢 雄黃半錢

白朮一錢 鬱金一錢 半夏一錢洗淨生薑汁浸

右爲細末。入腦麝各少許。煉蜜和圓。雞頭子大。薄荷湯化下一圓。無時。

塗顛法 治陰癇慢驚。

右以天南星洗十遍。為細末。用生薑自然汁煮糊。調塗顙頂上。

妙聖散 治慢驚久不差。兩手瘳癢。抽掣不定。

赤足蜈蚣一條。蔥汁浸。焙乾。

草烏頭尖十四箇。薄荷生薑自然汁。浸一伏時。焙乾。同為末。

麝香一錢

龍腦半錢

右拌勻。每用半字。以小筆筒吹入兒兩鼻孔中。候兩手定時。方可兼服別藥。

天麻鉤藤湯 治因吐利。脾胃虛而生風。變慢驚。

鉤藤三分

天麻

蟬殼去土

防風去蘆並

人參去蘆

麻黃去根

僵蠶去絲嘴

蝎尾去毒炒

甘草炙

芎藭各一分

麝香一錢

右同為細末。每用二錢。水一盞。煎至六分。量大小與服。如冷多面青脣白。四支

冷。入附子末半錢。無時。

喝起散 治因吐瀉生風。變慢驚。或作慢脾風。

半夏一兩。湯洗七次。為末。

薑四兩。研取汁。和半夏末。拌作餅。如稀。入少麵。

硃砂水飛

滑石

白礬生各一分

沒石子三箇

右爲細末。每服一字。煎冬瓜湯調下。如一服醒。便止後服。無時。

生銀散 治慢驚乍靜乍動。手足癱瘓。時發時止。

生銀末

半錢細研

蛇

黃

三分煨醋

黑

鉛

一錢磨

天南星

七錢炮

磁石

一錢煨醋

鐵華粉

二錢

硃

砂

一錢飛

麝

香

一錢

右爲細末。每服一字。煎犀角屑湯調下。如見沉困者。用薄荷乳汁調下。汗出爲效。

治陰癇者。多用性溫熱之藥。有至癇證已退未退之間。卻生熱證。或反爲急驚者甚多。凡治病必當先問病者之家。所患幾日。因何得之。曾服何藥。如此詳審。若服熱藥太過。可用解毒藥治之。無不效者。

豆卷散

治陰癇慢驚。服溫熱藥太多。而卻生熱證。反爲急驚。

大豆卷黃

水浸黑豆生芽是也曬乾時用

貫衆

板藍根

甘草

炙各一兩

右同爲細末。每服半錢或一錢。白水煎放冷服。甚者用藥三錢。漿水入油數滴。煎之。又治吐蟲。無時。

龍腦散 治如前。

大黃 蒸過

半 夏 湯洗滑淨薄切用薑汁浸一日焙乾炒用

甘草 炙

金星石

銀星石

寒水石

禹餘糧石 醋火煨

不灰木 火煨

青蛤粉 即青黛也

右等分爲末。入龍腦一字再研。新水調下一字或半錢。量大小加減。此舊方也。錢乙入甘松兩枝。霍香末一錢。金牙石一分。却減大黃一半。服之無時。

附慢脾風

銀白散 治慢脾驚風危困者。

天南星末 生薑自然汁和劑 搗作餅子炙黃

白附子末 薄荷自然汁和劑 搗作餅子炙黃

右同爲細末。每服半錢或一錢。煎冬瓜子湯調下。

羌活膏 治慢驚及脾風。身體冷。四支硬。危急將不救者。

羌活 去蘆

獨活 去蘆

人參 去蘆

茯苓 去皮

防風 去蘆並

桂末 去蘆皮先爲末各一錢

乾蠍 一錢酒浸炒研

水銀 半錢

硫黃 半錢與水銀同研如泥後入

麝香 一字

右先研硫黃。次入麝香、水銀。研至無星極細。又入諸藥末拌勻。煉蜜和膏。圓阜子大。薄荷湯化下。保生治胃虛吐瀉生風。羌活、天麻、防風各半兩。人參、茯苓、蠅桂各一分。硃砂、水銀、硫黃各一分。服之無時。

大天南星散 治吐瀉或服轉藥過度。脾虛生風爲慢驚。或作脾風。危急之候。右以天南星一枚。重八九錢至一兩者。先搗一地坑。深三寸許。用炭火五斤。燒通赤。去火。入好酒半盞在內。然後入天南星。却用炭火三兩條蓋却坑子。候天南星微裂。取出剉碎。再炒令勻熟。不可稍生。放冷爲細末。每服一字或半錢。濃煎生薑防風湯調下。無時。

又方 治如前。

梓州厚朴

去麋皮生薑製一兩細剉

半

夏

一錢湯洗七次生薑汁浸半日控乾用

右用米泔三升。同浸一百刻。周一伏時。以水盡爲度。如至百刻水未盡。加少火熬乾。去厚朴。只用半夏爲細末。每服半字或一字。薄荷湯化下。無時。

辰砂膏

治陰癇搐掣昏困。傳爲脾風。

右以大附子一枚。重六七錢上。微炮去皮臍。於頂頭剜一竅子。入粉霜、硃砂各

半錢。却用取下附子末填滿。於火上燒存性。次用天南星半兩炮裂。蠟梢一分。羌活去節一分。硃砂半兩研。同爲細末。煉蜜和圓。雞頭子大。每服一九。麝香薄荷湯入酒三兩滴化服。無時。

丙丁散

丙日製作藥

天南星

烏蛇肉酒浸去骨

天麻

麻黃去根節

大附子

一枚重半兩上者炮裂去皮臍

全蠍一錢

白附子三錢

白僵蠶

去絲嘴

右爲末。以水一升浸三日。濾去其滓。用寒食麵一袋和勻。踏作麴。楮葉罨七日。取出。以紙袋盛。弔起。十四日可用。遇小兒吐瀉。精神昏困。多睡不乳。四支逆冷。欲發慢驚者。以麴一兩爲末。入腦子末一字。每服半錢。或一錢。溫水調下。若已發慢驚者。此五藏俱虛。皆受其病。心主血。病則血亂。肺主氣。病則氣并。肝主筋。病則抽掣。脾主困。病則昏困。腎主寒。病則身冷。故病者血亂氣并。四支抽掣。吐瀉昏困。唇口色白。身體冰冷。神情忪悸。面青喉響。哭如鴉聲。將上件已成藥。更入硃砂末一錢半。當抹勻。服依上法。若慢驚吐利。傳爲脾風者。用麴末一兩。硃

砂末一錢半拌勻。煉蜜和丸。雞頭大。名丙丁膏。溫水化下。又別以麴末一兩。硃砂末。雄黃末各抄一錢。琥珀末。甘草末各抄二錢。拌勻。煉蜜圓。雞頭大。名太乙丹。治小兒百病。此方陳易簡家藏服之無時。

閻孝忠云。小兒吐瀉。脾胃虛而生風。以爲慢驚。或傳成脾風。大便不聚。至虛損危。儻者。當速生胃氣。宜與理中丸。並研金液丹作末。煎生薑米飲調灌之。多服乃效。服至二三兩無害。候胃氣漸生。手足漸煖。陰退四支。猶然癰癢。卽減金液丹一二分。却用青州白圓子一二分。同研如上法與服。以意詳之。漸減金液丹。加白圓子。兼用異功散。吐瀉藥方具吐瀉門。羌活膏。溫白圓。鈎藤飲子之類。方並依此治之。仍頓與粥食。雖至危殆。往往死中得生。十有七八。予於岳太尉處得一方。稱自王運使所傳。治小兒急慢驚風。吐瀉不止。危不可治者。名爲安胃圓。與上相似。大同而小異。

好青州白圓子三十粒

好金液丹三十粒

全 蠅一枚

麝香少許

右同研爲細末。以糯米飯和丸。黍米大。每服三二十九。煎蘿蔔糯米湯下。無時。

麝香牛黃丸 治小兒急慢驚風。慢脾風。

牛黃 一錢

麝香 一錢

蠍梢 一錢

乳香 一錢

沒藥 一錢

蜈蚣 一條

花蛇肉 去骨一錢

天南星 二錢

草烏 二錢半

天麻 二錢半

防風 去苗並又雄

黃水 飛研

硃砂 八錢

右爲細末。酒糊和劑。如早子大。一歲至三歲兒每服一圓。研細煎金銀薄荷湯

調下。七歲至十歲服二九至三九。煎人參湯調下。慢驚風細研三九灌下。大有

神效。無時。

麝香餅子 治小兒吐瀉之後。脾虛生風。目睛斜視。背脊強硬。手足癱瘓。及治心

肺中風。昏塞不省。此方與前方相犯而小異

川烏 炮去皮一分

天南星 炮一分

白花蛇 酒浸一宿去皮骨

蠍梢 一分

蜈蚣 一條去頭足以

硃砂 半分

麝香 一分

乳香 半分

鐵粉 半分

牛黃 半分

右爲末。同勻細。酒糊圓如雞頭大。捏作餅子。每服一二餅。煎人參薄荷湯化下。

聖脾散 治慢脾風。

香附子妙去皮

黑豆炒一合

甘草半分

右爲細末。每服半錢。飯飲調下。無時。

急慢驚通用。治小兒急慢驚風。聲已不出。危殆命在須臾者。男左女右。屈中指

在手心橫紋當中點炷。及與乳頭上同時下灸。壯如麥粒。甚者不過三壯。聲回

即止。此灸法。王運使傳鈔。

天麻膏。治小兒急慢驚風。及慢脾風。搐搦癰瘕。昏塞牙噤。一切惡候。及吐瀉等

疾。

全蠍一分

牛黃研一錢

白附子四錢

天麻二錢

雄黃四錢研

訶子去核六錢

白朮二錢

藿香葉去土四錢

白豆蔻仁三錢

縮砂仁三錢

白僵蠶去絲嘴四錢炒

右爲細末。煉蜜丸如雞頭大。每服一丸。煎薄荷湯化下。甚者兩丸。泄瀉者煎冬

瓜子湯下。嘔吐者煎丁香湯化下。並不拘時候。更量大小。臨時加減。亦看病之

輕重用藥。則無失矣。

牛黃丸 治急慢驚。發歇不止。

牛黃 研 天竺黃 研

犀角屑

胡黃連 各半

芎藭 人參 去蘆

白茯苓

丁香

鉤藤 龍齒 研各

麝香 研一錢

腦子 研半錢

右為細末。煉蜜和萊豆大。每服三丸。粥飲下。無時。

黑神圓 治急慢驚。

膩粉 研一錢 香墨 一錢

白麵 一錢

蘆薈 一錢

牛黃 別研

青黛

使君子

去殼麵裏煨熟用各半錢

腦子 一字 麝香 一字

右為末。糊圓桐子大。每服半圓。薄荷水下。要利動服一圓。楚州小醫王鑑。因此藥致富。甚保惜之。未嘗傳人。予得之。乃睡驚丸小異耳。治驚極效。垂死一服立

差。無時。

青金丹 治如前。

雄黃末 一錢

硃砂末 一錢

鐵粉 二錢

乳香末 一錢

南星末二錢

蠟微炒二錢

輕粉

青黛各三錢

麝香一字

花頭蛇一條酒浸一宿取肉焙

右爲末。以梨汁和劑。分三等圓之。黍米麻子。棗豆大。量大小與之一圓。薄荷水送下。煎金銀湯亦得。無梨汁用薄荷汁。無時。

雄硃丹 治如前。

雄黃水飛

硃砂水飛等分

右爲細末。用白項曲蟾一條。放藥中令纏溼。以竹篦子刮下。丸如芥子大。每服三丸。金銀薄荷湯下。其曲蟾却須放了。不可壞死。服之無時。

軟金丹又名聖丹

治小兒急慢驚風。三癰癰瘰。頭項動搖。目睛上視。或牽斜偏搐。

背脊強直。或反折如弓。口噤牙緊。或屈指如數。或溫壯連綿。或服涼藥過多。內生虛風。或因傷寒變搐發渴。或因吐利生風爲癰。一切諸證。乳食不進。昏冒不省。凡此急候。服之皆愈。但不喘急者。此藥必效。如已喘急者。更須審詳虛實。若涎實者。同水銀圓化此藥服之。二藥引化驚涎。則潮搐立止。虛者但只服此藥。即便放下眼來。如小涎熱風熱。有諸驚證。服之便差。更無變動。又治大人卒中。

風病。涎潮不省。此藥神聖救人。不可具載。

牛黃別研

丹砂飛研水

雄黃飛研水

生犀剉末

天麻

僵蟲去絲

半夏湯洗七次為麤

蟬殼去土湯洗淨焙

南木香

使君子取肉各一分

肉豆蔻煨麤裏

香墨各一分

天南星炮裂

白附子炮裂各一錢

膩粉一錢

水銀鉛三錢半用黑

七錢結砂子用半錢

白花蛇

烏蛇二蛇取項後粗皮骨曝乾不見火

螺青一兩二錢

麝香一錢

龍腦半錢

附子一枚炮裂去

之

蜈蚣中者二條生用須赤足佳

全蠍三十

天漿蟲去殼

大檳榔二枚

丁香半錢

蟾酥子大

金箔

銀箔各十片

右為末。逐件旋入研之細勻。用不蛀阜莢一銚。刮去皮弦。以好酒半斤。浸一宿。按揉取汁。去滓。入石腦油三錢。銀器內文武火煎十數沸。放冷。別煉蜜少許。投內和諸藥得所。大者圓棗大。小者阜子大。別以金銀箔為衣。每服一圓。金銀薄荷湯化下。涎實者用水銀圓化下。小兒量大小與。大有神驗。水銀圓具譚氏方。

也。服之無時。

奪命大青金丹 治小兒諸驚。此東京西瓦內出資馬兒栗家方。

天竺黃末一斤

墨二銖下計大小麝香一錢

硃砂水飛

水銀半兩

錫半兩

右於銚內先鎔錫化。入水銀結砂子。乳鉢內研開。次入諸藥末研勻細。方用濃墨水和丸。彈子大。以灰頓盆內。鋪紙於紙上布藥浥乾。十歲兒一粒。分三四服。七八歲兒作四服。五六歲兒分六服。三四歲兒分十服。一二歲兒分十六服。新生百晬兒分三十服。並微利。常服者須隔旬日服一服。小兒風熱發癇。潮搐涎盛。嗽喘。並臨時加減。如吐瀉後生風。服亦不妨。此藥性溫。宜少服。並用湯化下。如煎湯不可犯鐵器。入口如聖。服之無時。

治急慢驚發搐

乳香半兩

甘遂一錢

右同研細。每服半錢。乳香小便調下妙。又方 治如前。

蠟梢二十箇 硃砂許水飛 麝香豆一兩

右同爲末。每服一字或半錢。用赤小豆拌勻。薄荷溫酒調下。無時。

定命丹 治急慢驚風。弔眼撮口。搐搦不定。壯熱困重。

蟾酥一錢乾者 蠟全者七枚 南星末一分

白附子末半錢

青黛半錢研 麝香少許

右勻細末。粟米粥和丸。菴豆大。別以青黛爲衣。每服一九。荊芥薄荷湯下。服藥後困睡無疑。凡病者先化半丸點鼻中。得噴者必效。如新生兒用膩粉二捻。生油一滴。新水半茶脚。化一九服之。取下胎中所受病。更無諸驚邪熱。服之無時。

麝香餅子 治如前。

烏頭蛇一對酒浸 梢半兩

白附子炮一兩 天南星炮一兩

白僵蠶一兩炒 乳香半兩

硃砂一兩研 天漿子去殼

麝香一錢 金箔十片

右爲細末。煉蜜和丸。桐子大。捏扁作餅子。用金銀荊芥湯化服。大小加減。無時。此便是除風膏。若以麥飯和丸。便是麥飯膏。此黑孩兒柏防禦真方也。

如聖散 治如前。

白附子二錢

僵

蠶炒去絲

全

蠍二錢中者用麵炒去足留身尾甲

人參去蘆二錢

草

烏半兩炮去皮

牙

消二錢

丁

香一錢不見火

膩粉半錢

天竺黃一錢

天南星

米泔浸一宿焙乾稱二錢

龍齒二錢

鬱金一錢

腦

麝各少許

右爲細末。十歲下兒半錢。上者一錢。冷薄荷湯調下。如兒驚結。大小便不通。連進二三服。無時。

南星湯 治如前。

右以大天南星一枚。重四錢者。細研爲末。用漿水一碗。冬瓜子四十九粒。同煎至一盞。去滓。取清汁半盞。分三服。病愈。以四君子湯補之。一方每用南星末一錢。上下以水半盞。漿水半盞。或薑汁亦得。入生薑三片。冬瓜子數粒。煎至半盞以下。分二服。尤治慢驚。服之無時。

南硃膏 治如前。

右以大天南星二兩爲末。用臘月黃牛膽取汁和之。却入膽中。如膽汁少許。量

可用之。寔乾爲細末。入硃砂末一錢。麝香少許。煎甘草膏子和劑。九雞頭子大。每一歲半丸。熟水化下。量大小加減。如一膽盛南星末不盡。用二膽亦得。服之無時。

硃金湯 治如前。

右以代赭石火煨。醋淬十次。爲細末。水飛過。日中曬乾。每服半錢。或一錢。煎真金湯調下。量大小與之。連進三服。兒脚脛上有赤斑點者出。不可治也。服無時。如聖青金丹 治忽發身熱。吐逆變急。慢驚潮搐。

龍腦 一錢

麝香 一錢

膩粉 一錢

白麵 三錢

香墨 一錢半

青黛 二錢

使君子 去殼二箇。麵裹。慢火煨熟爲末。

金箔 各五

銀箔 各五

右細勻末。滴水丸雞頭子大。慢驚用冷薄荷湯化下一丸。須臾便睡。睡覺立愈。更服三兩服。急驚化下半丸。下涎一合以來。神效。無時。

滾涎膏 治慢驚風。潮搐無時。

龍腦 一字

硃砂 半錢

鵬砂末 三錢

馬牙消 五錢

鉛霜二錢

水

銀二錢砂子結

牛黃一字

麝香一字

右同研。自然成膏。丸楊梅核大。梨汁化下一丸。量大小加減。無時。

牛黃丸 治急慢驚發搐痰壅及吐瀉生風。

牛黃一錢

牛膽製天南星末一錢

滴乳香末令研錢

人參去蘆一分

天麻去苗一分

防風去蘆一分

白僵蠶炒去絲一分

茯神去心一分

硃砂三錢飛研

麝香一分

全蠍一分

腦子少許

右爲細末。煉蜜和。丸雞頭實大。荊芥薄荷湯化下一丸。相宜加減。無時。

罷搐丸 治急慢驚發搐牙關噤身反強。

水銀二錢黑鉛二錢同水銀結砂子

天麻去苗半兩

花蛇肉酒浸炙取

人參去蘆半兩

天南星炮半兩

白附子半兩

乾蠍去毒半兩

硃砂半兩飛

青黛一分

腦子

麝香各少許

右爲細末。石腦油研和。丸小麻子大。每服一丸。薄荷湯化下。無時。

虎睛丸 治急慢驚搐涎熱多睡及諸惡證。

虎 睛一對碎刀酒

通明天麻半兩 白茯苓去心內

白附子一分

天漿子五十箇炒 使君子切一百箇去殼

硃砂二兩

全蠍半兩 牛黃半兩

天南星一兩二錢

京墨半兩

青黛半兩

麝香

輕粉各一分

右同勻細末。酒糊丸。桐子大。每服一九。薄荷湯化下。有急病加作二三丸極妙。

無時。

烏蛇散 治急慢驚。搐如弓。危困難治療之者。此方主之。

烏蛇肉酒浸去皮 赤足蜈蚣二條去頭足

全蠍二錢

天麻半兩

白茯苓半兩

黑附子半兩炮裂

白附子一分

麝香少許

右爲細末。每服半錢。用舊斷井索煎湯調下。其效如神。如急用無斷井索。煎荊

芥湯代之。無時。

治胎癰發搐真假方

虎睛丸 治自生蓐內至百日以來。壯熱驚搐。凡發在百日內者。雖發搐真假相

似。然發頻者。多是外風傷之也。

虎

睛一對酒浸微炙取二箇

牛黃別研

硃砂水飛

雄

黃一分研麝香一分

右爲細末煉蜜和丸。萊豆大。以乳汁研化三五丸。

烏金膏

治胎癇發搐頻併。

烏

蛇一條水浸去皮骨只取肉別用酒浸一宿焙乾

蠶紙一張

蟬殼半兩

全

蠍半兩上硃砂半兩

麝香半錢

腦子半錢

金

箔三十片

右拌勻。煉蜜和膏。丸阜子大。當每服一粒。煎人參薄荷湯化下。服無時。

牛黃丸

治自生至百日以來五藏多熱而發驚搐。

牛

黃一分研龍腦一分黃芩末半兩

硃砂半兩

乾

蠍一分犀角末半兩

右同研如粉。粟米飯和丸。麻子大。溫水化一丸與服。無時。

羌活膏 治胎癇發搐昏困不省。

羌活去蘆一兩 烏蛇肉一兩酒浸 獨活去蘆一兩 天麻半兩

全蠍半兩去毒 白僵蠶半兩去絲嘴 人參半兩去蘆

右爲細末。煉蜜和膏。每服一皂子大。麝香荊芥湯化下。無時。

銀硃丹 治如前。

乾蠍一分微炒 天漿子一分微炒 硃砂半兩研飛 牛黃一錢

露蜂房一分微炒 水銀一分用黑錫結砂子 麝香半錢

右同拌勻。麵糊和丸。黍米大。每服三五丸。金銀薄荷湯化下。兒小乳汁化下亦得。無時。

甲灰圓 治生下便喜多驚。

右翦父母兩手爪甲燒灰研細。麵糊和丸。麻子大。井花水化下一丸。無時。

生摩膏 治新生兒肌膚幼弱。爲風邪所中。身體壯熱。手足驚掣。

甘草 防風去蘆並義各一兩 白朮二十錢 雷丸二錢

桔梗去蘆二錢

右咬咀。以豬脂肪一斤。煎油入藥。微火上煎之良久。視稠濁得所。膏成乃去滓。

丸如彈子大。每服一粒。炙手摩兒百遍。寒者更熱。熱者更寒。小兒無病。早起常以摩顙上。及手足心。甚辟風寒之邪。

硃砂散 治一臘至月內兒發驚。轉爲慢驚。

硃砂一分 飛牛黃別研一分 麝香一錢

乾蠍十四箇 微炒

天漿子 十四箇 水炒色黃去殼取蟲用

右各研細。一處再研極細。散每服半錢。乳汁調抹兒口中。以乳汁送下。無時。

保生散 治新生兒胎驚。此在母胎中時。因有所驚乃感。至生下百日之內。心神不寧。睡臥不醒。壯熱躁煩。啼哭無時。面青赤。腰直身冷。搐縮口撮。或糞青黃水。

胡黃連半兩 煮水

鵬砂研

鐵粉

輕粉各一錢

右爲末。每服一字。薄荷乳汁調下。服藥後有青赤物下是效。如無隔日服琥珀丸。服之無時。

琥珀丸

乾全蠍二枚

琥珀令研

鐵粉二錢 各

輕粉

南星炮

白附子一錢 各

龍腦半錢

右爲末。酒糊和丸。黍米大。薄荷溫湯下一二丸。如服此藥。眼反牙噤如魚口者。乃死候也。服之無時。

治嬰小初生未滿月。驚著似中風欲死者。此方主之。

以好硃砂用新汲水磨濃汁。塗五心上神驗。

治嬰小新生中風。

以麝香一分。驢前背交脊上會中毛。拔取手指大許一把。以乳汁和令得所。於銅器中慢火炒令焦燥。與麝香同研如粉。每服一字。乳汁調下。日三服。

小兒衛生總微論方 卷五 驚癇方下

